

Lesolo la mokopanelwa le swere disekerete tšeo di sego molaong tša boleng bja dimilione

Tshwane, 27 Feberware 2023: Sehlopha sa Balaodi ba Khasetomo sa Tiišetšo ya molao sa Ditirelo tša Motšhelo tša Afrika Borwa se šomile mmogo le Ditirelo tša Maphodisa tša Afrika Borwa le Kgoro ya Sešole ya Afrika Borwa mafelelong a beke a la 25-26 Feberware go swara theraka ya morwalo wa disekerete tšeo di sego molaong, go ya ka temošo yeo e amogetšwego.

Se ke karolo ya maiteko a go tšwetšwapele a go kaonafatša phethagalo ya Khasetomo ya go lwantšhana le kgwebo yeo e sego molaong, kudu ka ga metsoko le disekerete. Lesolo la mohlakanelwa le diragetše mafelong le dipolaseng tša go ralala le mellwane ya Afrika Borwa. Ditshwaro tše tše dikgolo tša go ama putlaganyo ya mellwane ya dimokolo ke tše di latelago:

- Palomoka ya 1185 ya makase a magolo a disekerete tšeo di sego molaong tša maswaothekišo a Remington Gold, Chelsea le Royal Express, tša dimilione, di golegilwe.
- Batho ba bane ba golegilwe gomme dikgetsi tša bosenyi di butšwe tša mabapi le go mokola disekerete tšeo di sego molaong.
- Go tšwelapele, ditheraka tše 4, bakkie e tee le trekere ya karikana, tšeo di bego di dirišwa go rwala disekerete tšeo di sego molaong, di golegilwe gomme di na le boleng bja tekanyo ya dimilione.

Dipoelo tša ditshepetšo tša lesolo le le kgethegilego di tiišetša gore ge e sale SARS e šomana le mošomo wa go nyakišiša digongwana mengwageng e meraro ya go feta ka go intasteri ya metsoko le disekarete, go na le tšhikinyo ya koketšego ya semokolo sa putlaganyo ya mellwane. Ka tsela ye, batšweletši ba mo nageng bao ba amanywago le maswaotheko a disekerete ba angwa bjale ka karolo ya tšwetšopele ya dinyakišišo tša rena ka ge go tsebega gore disekerete tše di tšwa ka ntle ga Afrika Borwa.

Go tšwetšapele, go tiišetša sephetho, go ya ka ditiragalo tša leboelela tšeo di bego di šeditšwe, batho palo ya go feta 500 go ralala le mellwane ka letšatši le itšeng, go ba le motho o tee wa go mokola makase a magolo a disekerete tšeo di sego molaong mekokotlong ya bona. Disekerete tše di nametšwago ka gare ga ditheraka, tše dingwe ke tša maAfrika Borwa, gomme difatanaga tše nnyane di dirišwa go sepela ka ditsela tše dingwe kgauswi le mellwane ka tirišano ya borapolase ba selegae go fihlelela mafelo ao a nepilwego go di phatlalatša mmarakeng wa selegae.

SARS e tla tšwelapele go kaonafatša bokgoni bja yona bja Tiišetšo ya Khasetomo le bokgoni bja go šomana le kgwebo yeo e sego molaong ka tirišano ya dietšensi tše dingwe tša tiišetšo ya molao yeo e nepilego go kaonafatša motšhelo le

mokgwatšhomo wa Khasetomo le go šireletša pušo taolo ya Repaboliki ya Afrika Borwa, ka go thatafaletša le go lefiša dikotlo tša godimo go bagwebi le balefela motšhelo bao ba dirago ka bomo, ba dirago bosenyi gape ba ikemišetša go se obamele.

Khomišinare wa SARS Mrn. Edward Kieswetter o tlogile a reta le go leboga maitekelo ka moka a mohlakanelwa a dietšensi tša tiišetšo ya molao tšeo di etetšego pele tshepetšo ye ya Katlego. O laeditše maswenyego a gagwe a kamano ye digongwana tše dintši ditshepetšong tše, ka metseng ya dipolase tšeo di ralalago le mellwane, go akaretša bao ba dirišago dithoto le difatanaga tša bona go dirišana le digongwana tše.

“Re tla diriša tshedimošo ka moka yeo e kgobokeditšwego ke dietšensi tša tiišetšo ya molao go latediša, le go sekiša mo go hlokegago, bao ba amanago le digongwana tša bosenyi. Batho ka moka bao ba amegago, go sa lebelelwe semorafe, bat la lebana le kotlo e kgolo ya letsogo la molao. Re tla tšwelapele go tšwetšapele mošomo wa rena wa tiišetšo ya molao ntle le go fiega, rerela goba go kgetholla go šireletša di intasteri tša selegae le go tšwetšapele ekonomi,” gwa realo Mrn. Kieswetter.

Go hwetša tshedimošo enngwe, ikgokaganye le SarsMedia@sars.gov.za